



# X

## **CERTAME DE CREACIÓN AUDIOVISUAL EN LLINGUA ASTURIANA / GALLEGO-ASTURIANU O EONAVIEGU**

### **43 Selmana de les Lletres Asturianas**

Por cuenta de la celebración de la **43 Selmana de les Lletres Asturianas** nel mes de mayu del 2022, la Conseyería d'Educación en xunto cola Conseyería de Cultura, Política Llingüística y Turismu convoquen el **X CERTAME DE CREACIÓN AUDIOVISUAL** p'alumnáu d'Educación Primaria, Educación Secundaria y Bachilleratu d'alcuertu con estes bases:

**PRIMERA.-** Pue participar tol alumnáu dende **5.º cursu d'Educación Primaria a 2.º cursu de Bachilleratu**.

**SEGUNDA.-** Los alumnos y alumnes han participar con un videu o creación dixital, orixinal y de **temática llibre**, presentáu por un o una docente responsable.

**TERCERA.-** Tolos trabayos presentaos han tener la llingua asturiana o'l gallego-asturianu o eonaviegu como llingua vehicular.

**CUARTA.-** Va dase un premiu por caún de los cursos que puen participar: 5.º y 6.º d'Educación Primaria; 1.º, 2.º, 3.º y 4.º d'ESO; y 1.º y 2.º de Bachilleratu. Va facese mención especial a los centros del alumnáu ganador del Certame.

**QUINTA.-** Los vídeos van poder ellaborase individualmente o en grupu. Los trabayos han constar d'un videu con un llargor mínimu de 5 segundos y máximu de 10 minutos. Los trabayos presentaos puen tar en cualquier formatu y aplicación, si bien el formatu de salida de los trabayos ha ser en tou casu de videu: mov, mp4, mpg, wmv, rm, 3gp, asf y flv.

**SESTA.-** Pa participar, el centru tien que rellenar y unviar un Anexu I por caún de los vídeos presentaos.

Si nel videu apaecen imáxenes de persones non matriculaes nel centru, éstes tienen que conocer pa qué tán siendo grabaes y dar el so permisu.

**El profesoráu encargao d'unviar el videu tien que tener, per escrito, el consentimientu del pá/ma o tutor/a llegal del alumnáu qu'apaez nes imáxenes.**

**SÉPTIMA.-** El videu va poder unviase:

**De forma dixital**, col/os Anexu/os I escaniáu/os, los permisos firmaos y escaniaos y un enllaz a Wetransfer pa descargar el videu o un enllaz a Youtube onde poder velu pa la so valoración. Ha unviase too al corréu electrónicu:

[llinguastur@educastur.org](mailto:llinguastur@educastur.org)

**Per corréu postal o en mano**, nun sobre col/os Anexu/os I, los permisos firmaos y CD o llápiz de memoria, qu'ha llevar el títulu de cada videu presentáu, a les señes:

(A/A Xuan Santori)  
Serviciu d'Ordenación Académica y Evaluación Educativa  
Consejería d'Educación  
Plaza d'España, nº 5, 4ª planta  
33007 Uviéu

N'entrambos casos el plazu de presentación acaba a les 20:00 hores del **vienres 1 d'abril del 2022**.

**OCTAVA.-** El Xuráu va tar formáu por persones averaes al ámbitu del mundu audiovisual, les artes plástiques y la educación.

**NOVENA.-** El fallu del Xuráu va facese públicu nel mes de mayu del 2022 nel marcu de les conmemoraciones de la **43 Selmana de les Lletres Asturianes**. Los reconocimientos a los/les ganadores y a los centros va facese públicamente nel portal Educastur y los premios van facese llegar a los centros del alumnáu ganador.

**DÉCIMA.-** La participación nel Certame supón tar d'alcuertu coles bases establecées. Al fallu del Xuráu nun se pue retrucar.

**PA MÁS INFORMACIÓN:** Tfnu.: 985.10.55.00, estensión: 13656



## 43 Selmana de les Lletres Asturianas

ANEXU I	
SOLICITÚ DE PARTICIPACIÓN NEL X CERTAME DE CREACIÓN AUDIOVISUAL EN LLINGUA ASTURIANA/GALLEGO-ASTURIANU O EONAVIEGU 43 SELMANA DE LES LLETRES ASTURIANES	
Centru:	Códigu centru:
Señes:	C. P.
Teléfonu/Fax:	Email:
Profesor/a responsable:	
Alumnáu participante (indicar nome, apellíos y cursu):	
Títulu de la creación audiovisual:	
Autoría:	
(Sellu del centru)	

SERVICIU D'ORDENACIÓN ACADÉMICA Y EVALUACIÓN EDUCATIVA, CONSEYERÍA  
D'EDUCACIÓN / SERVICIU DE POLÍTICA LLINGÜÍSTICA  
CONSEYERÍA DE CULTURA, POLÍTICA LLINGÜÍSTICA Y TURISMU  
Plaza d'España, 5, 4ª planta, 33007 Uviéu.  
Tfnu. 985 105500, est. 13656

[llinguastur@educastur.org](mailto:llinguastur@educastur.org)